

Opitz, Martin: Sonnet (1630)

- 1 Es ist gewagt; ich bin doch gantz entschloßen
 Jetzt noch ein mal zue laßen vnser landt/
 Vndt hin zue ziehn wo auch ist mordt vndt brandt/
 Wo auch das feldt mitt blute wirdt begoßen.

- 2 Es ist gewagt: heißt aber diß genoßen
 Der liebe frucht ?ist diß des feste bandt
 Der waren gunst? schläfft deine trewe handt?
 Ist deiner lust gedächtniß gantz beifloßen?

- 3 Wo bleibet dann der mundt/ die augen/ dieses haar
 Vndt was sonst mehr dein trost vndt kummer war?
 Was thue ich dann? ich bin selbselbst verlohren

- 4 Verlier ich sie: verbleib' ich dann allhier
 So ist doch nichts als wanckelmuth an mir:
 Ich habe recht den wolff jetzt bey den ohren.

(Textopus: Sonnet. Abgerufen am 23.01.2026 von <https://www.textopus.de/poems/8368>)